


中華民國十九年一月 桓仁教養工廠印

桓仁縣志

龍光斗題





桓仁縣志總目錄

卷之一 沿革志

沿革

桓仁縣歷代沿革表

卷之二 天文志

星土

經緯度

晷刻

氣候

災祥

卷之三 地理志

疆域

地勢

面積

山脈

水道

勝蹟

古蹟

卷之四 官制志

官署

官職

卷之五 民治志

選舉

區村制

戶口

集鎮

公安局

公安隊

卷之六

建置志

城垣

縣公署

典史署

監獄

巡檢署

公安局

公安隊

東門裡營房

西門裡營房

分防營

沈兵營

土城垣及礮台

書院

教育局

義塾

壇廟

碑碣

卷之七

財賦志

國家稅

縣署經費

地方款收入

地方款支出

卷之八

物產志

動物

植物

礦物

底物

卷之九 風俗志

民風

歲事

雜禮

婚嫁

喪葬

祭祀

墓祀

官祀

飲食

衣服

居住

水火

方言

器用

卷之十 實業志

農業

農務會

苗圃

水利

林業

漁業

工廠

商業

商務會

卷之十一 交通志

郵政

電報

電話

陸路

航路

津梁

渡口

卷之十二 教育志

書院

宣講所

圖書館

報館

教育會

教育局 學校

卷之十三 宗教志

佛教 道教 回教 耶蘇教 天主教 理教

卷之十四 人物志

清薦紳表 民國薦紳表 勲舊 循良 鄉宦

鄉型 鄉老 孝友 節烈 文學 藝術 流寓 方外

卷之十五 兵士志

歷代戰事紀畧 明清戰記 勦滅金匪壑荒安民之事畧

拳匪擾亂本境之始末 忠義軍南竄紀畧 甲辰中立之實狀

樂匪破城紀畧 王濟輝知事獨立 陸軍五十八團駐防

卷之十六

藝文志

碑記

詩歌

卷之十七

雜錄志

錄仙釋

錄祠宇

錄鄉談


錄物變

錄特產

沿革志卷之一

沿革

桓仁縣歷代沿革表



沿革志

桓邑僻在邊徼歷代封建沿革較腹地直指確鑿為難據書傳舜分青東北為營州以地志考之營州域即兼遼東之地而言其置郡蓋自秦始漢設元菟郡後屢有因革然郡縣之名未改唐改為遼東諸都督府而秦漢之建置一變遼金元之世雖損益不同然均分隸諸路而州縣之制仍舊明改州縣為衛隸於都司而遼金元之建置又一變迄清設治桓仁縣疆域始劃碁定及今方得指証確鑿其歷來沿革不過僅就史中古郡事跡斷以大義云爾並列表於後

沿革

桓仁在唐虞時為營州當軒轅畫井分州始於遼及有虞部分
十二而遼以東則割於青青之東北海外境域是為營州即今
遼河以東之地與京全境隸乎其中桓仁亦屬焉夏書禹貢分
九州則營仍併於青矣周時箕子避居朝鮮武王即其地封之
而朝鮮史載箕子率其族五千人避地於遼河之東其子孫始遷
平壤為朝鮮開國之祖謂避地遼河之東是統鴨綠江東西而
言按史記所載武王即其地封之之地其係僅指鴨綠江以東之地
而言蓋無疑義如從前吉黑兩省亦以遼東概之與此相類如泥
朝鮮史所說謂桓仁即箕子避亂之地謬矣其子孫遷平壤蓋
由朝鮮界內復擇平壤而居也非謂由鴨綠江西遷居於鴨綠江

東也按周無營州其地當酋入於幽州戰國時燕嘗略屬真番
為置吏築障塞按此時築障塞是防備朝鮮來路鴨綠江以東之
地已有為燕據之處矣秦代燕王喜走保遼東遼東之名始此始
皇既滅燕遣蒙恬築長城擊走東夷以其地置遼東郡漢武帝
元封四年拓朝鮮地增置真番臨屯元菟樂浪四郡按後漢書
所載高句驪在遼東之東千里武帝滅朝鮮以高句驪為縣使屬
元菟武帝好勤遠略鴨綠江以東為用武之地即以高句驪為縣使
屬元菟故高句驪者蓋以滅朝鮮既還臨江設縣名曰高句驪以紀
戰勝之勲非謂縣之地即朝鮮地也班志曰元菟郡西有蓋馬縣
有馬訾水考馬訾水即鴨綠江也元菟郡屬地擴至鴨綠江以東

漢昭帝六年築遼東元菟郡按此時沿江一帶復為高句驪所侵
獻帝建安中高句驪王伊夷模作新都於丸都山下在沸流水西蓋
即桓仁原屬之通溝口地今劃歸輯安所屬魏明帝正始三年高句
驪王位宮寇遼西幽州刺史毌丘儉擊走屠丸都位宮逃竄復遣元菟
太守王廣追之過沃沮千有餘里而還高句驪王復據丸都至晉世鮮卑
漸盛慕容廆為平州刺史遼東西遂盡為所據其子毖欲先取高句
驪後滅宇文氏至成帝八年毖滅高句驪焚其宮室毀丸都而還永嘉
末中國多事遼東各郡漸為高麗所侵隋時復攻遼西煬帝親率
兵討之因內亂乃還開皇三年討破高寶寧於黃龍逐置營州立
總管府煬帝以百三十萬人二十四道伐高麗軍潰僅七千人還高

麗亦因此而困唐時屬安東都護高宗統章元年遣李勣大敗高麗於平壤滅之置安東都護府以薛仁貴撫之高麗徙國鴨綠江東南千餘里五代時後唐莊宗破劉守光始收其地而明宗天成三年契丹陷平州又陷營州自是地入於遼為上京道宋時遼專用兵中國不暇顧此金滅遼志在進取中原因以鴨綠江為界鴨綠江西北盡歸金領此時全境屬於金元滅金至元二十四年置遼東行中書省設治於遼陽使轄全部地跨鴨綠江以東高麗西京即平壤亦內屬焉明洪武初年高麗奉表朝賀賜以金印誥封高麗國王盡鴨綠江以東為朝鮮疆界鴨綠江以西盡歸明有洪武四年革元行中書省舊制置定遼都衛六年置遼陽府縣十年改都

街為遼東都指揮使司領衛所二十五而府縣俱廢至萬曆三年始徙
遼東六堡於內地原自遼陽鎮東二百里舊有六堡與遼陽聲援不
接李成梁請移孤山堡於長興哈剌佃險山堡於寬佃江沿新安四
堡於長佃長嶺等處由撫順至清河北皆歸約束六堡生齒至六萬
四千餘戶李成梁以邊地孤懸防守不易與總督蹇達等議棄之徙
居民於內地不從則以大軍迫之死者甚衆給事中宋一韓力言棄地
非策熊廷弼亦以為失計卒用成梁等議自是遼左之藩籬盡撤迨
清肇基興京以鴨綠江以西地為興京拱衛原既一體封禁公令森
嚴平民無故不得出邊及清光緒二年署盛京將軍崇實奏請
開墾荒徼以重邊防始建懷仁縣於佟佳江之東岸為政化實行